



rudarski institut d.d. tuzla

Rudarska 72, 75000 Tuzla



Certifikat br. 44 100 067063

**NAUČNO VIJEĆE INSTITUTA I KOMISIJA ZA DODJELU NAUČNIH I
ISTRAŽIVAČKIH ZVANJA OBJAVLJUJE**

K O N K U R S

ZA DODJELU-REIZBOR NAUČNIH I ISTRAŽIVAČKIH ZVANJA UPOSLENICIMA RUDARSKOG INSTITUTA TUZLA

Član 1.

Na osnovu Pravilnika o naučnoistraživačkoj djelatnosti Rudarskog instituta Tuzla, d.d. broj 2706/04 i članova 23 do 31 predmetnog Pravilnika (nakon prvog izbora iz 2005. godine) izvršiti će se izbor-reizbor u naučna i istraživačka zvanja uposlenika RI Tuzla.

Član 2.

Kriteriji za izbor u naučna i istraživačka zvanja definisani su članovima 3. do 8. ovog Konkursa.

Član 3.

Naučna zvanja, u smislu Pravilnika i ovog Konkursa su:

- **naučni saradnik,**
- **viši naučni saradnik i**
- **naučni savjetnik.**

Član 4.

Za naučnog saradnika može biti izabrano lice koje ima naučni stepen magistra nauka ili je u proceduri za sticanje zvanja doktora nauka, jednu (1) godinu provedenu u naučno-istraživačkoj instituciji i najmanje tri (3) recenzirana naučna rada objavljena u časopisima i publikacijama, iz oblasti u kojoj je lice steklo naučni stepen.

Za višeg naučnog saradnika može biti izabrano lice koje ima naučni stepen doktora nauka, tri (3) godine provedene u naučno-istraživačkoj instituciji i najmanje pet (5) recenziranih naučnih radova objavljenih u odgovarajućim časopisima i publikacijama, koji su doprinijeli razvoju određenog naučnog područja, najmanje jednu (1) godinu naučnoistraživačkog rada u naučnom zvanju saradnika, kao i doprinos u osposobljavanju novog naučnoistraživačkog kadra, ili pomoć pri izradi naučnih radova - recenzent.

Za naučnog savjetnika može biti izabrano lice koje ima naučni stepen doktora nauka, pet (5) godina rada u naučnoistraživačkim institucijama, najmanje osam (8) recenziranih naučnih radova, najmanje jednu (1) recenziranu publikaciju a koji su značajnije uticali na razvoj nauke, a objavljeni su u odgovarajućim časopisima i publikacijama, te koje je sudjelovalo u naučnim projektima i programima i ima značajan doprinos u osposobljavanju novog naučnoistraživačkog kadra.

U smislu odredbi stava 1. 2. i 3. ovog člana, pod časopisima i publikacijama smatraju se časopisi i publikacije u kojima je izvršena recenzija.

Pod pojmom doprinos u osposobljavanju novog naučnog kadra podrazumijeva se mentorstvo ili pomoć naučnom i stručnom kadru pri izradi naučnih radova sa objavljenom recenzijom.

Član 5.

Izbor u naučno zvanje vrši se na period od pet (5) godina, putem internog Konkursa ili posebnog zahtjeva lica uposlenih na RI Tuzla.

Član 6.

Istraživačka zvanja, u smislu Pravilnika i ovog Konkursa su:

- **stručni saradnik,**
- **viši stručni saradnik i**
- **stručni savjetnik.**

Član 7.

Za stručnog saradnika može biti izabrano lice koje je završilo odgovarajući dodiplomski studij koje je sudjelovalo kao voditelj ili saradnik na izradi najmanje četiri (4) projekta i koje je objavilo najmanje dva (2) rada.

Za višeg stručnog saradnika može biti izabrano lice koje ima ili je u proceduri za sticanje naučnog stepena magistra nauka, ili priznat specijalistički studij nakon dodiplomskog studija, koje je sudjelovalo kao voditelj na izradi najmanje pet (5) projekta i koje je objavilo najmanje tri (3) rada. Za višeg stručnog saradnika u izuzetnim slučajevima se može izabrati istaknuti stručnjak-projektant koji je radio kao istraživač na najmanje deset značajnih projekata.

Za stručnog savjetnika može biti izabrano lice koje ima naučni stepen doktor nauka ili prihvaćen prijedlog za odbranu doktorske disertacije, koje je sudjelovalo kao voditelj na izradi najmanje pet (5) projekata i koje je objavilo najmanje pet (5) stručnih radova objavljenih u odgovarajućim časopisima i publikacijama. Za stručnog savjetnika se samo u izuzetnim slučajevima može izabrati istaknuti stručnjak-odgovorni projektant koji je radio kao glavni voditelj na više od dvadeset projekata.

Član 8.

Izbor u istraživačko zvanje stručni saradnik vrši se na neodređeno vrijeme, a u zvanje viši stručni suradnik i stručni savjetnik na vrijeme od pet (5) godine, putem internog Konkursa ili posebnog zahtjeva lica uposlenih na RI Tuzla.

Član 9.

Rok za podnošenje prijave po ovom Konkursu je trideset (30) dana, od dana objavljivanja na oglasnoj tabli Rudarskog instituta.

Potrebna dokumentacija se u zatvorenoj koverti dostavlja na protokol Instituta (sa naznakom KOMISIJI ZA IZBOR U NAUČNA I ISTRAŽIVAČKA ZVANJA RI TUZLA).

Član 10.

Komisija je dužna, najkasnije u roku od 60 dana od dana prijema zahtjeva ili raspisivanja Konkursa, dostaviti svoju saglasnost za izbor u naučno ili istraživačko zvanje ili dostaviti obrazloženu Odluku o odbijanju davanja saglasnosti.

Ako Komisija ne postupi u skladu sa prethodnim stavom ili u naznačenom roku ne zatraži dodatne podatke, Naučno vijeće Instituta može izvršiti izbor.

Član 11.

Prijava na Konkurs treba da sadrži:

- *Zahtjev za dodjelu zvanja;*
- *Podatke o kretanju u službi;*
- *Podatke o urađenim projektima, studijama, programima, elaboratima, ekspertnim mišljenjima, i sl.; (kopije prvih strana i autora-saradnika)*
- *Foto kopije radova objavljenih u stručnim i naučnim časopisima i publikacijama;*
- *Kopije diplome i drugu dokumentaciju predviđenu uslovima Konkursa koji se odnose na izbor u istraživačka i naučna zvanja.*
- *Za reizbor u zvanje dostavlja se kopija od prethodnog izbora iz 2005. godine*

Nepotpuna dokumentacija bez kopija iz člana 11. neće biti razmatrana od strane Komisije i bit će pismenim putem vraćena kao nepotpuna.

Detaljnije informacije preko e-mail: rituzla3@bih.net.ba

Tekst Konkursa se nalazi na oglasnoj ploči i na web stranici <http://www.rudarski-institut.com.ba>

Tuzla, 02.03.2010 godine

PREDSJEDNIK NAUČNOG VIJEĆA

Dr.sc. Željko Knežiček, doc.